

Uz 15. broj časopisa Bosniaca

Riječ urednika, dr. Ismet Ovčina

Poštovani čitatelju,

Redakcija Vašeg omiljenog časopisa „Bosniaca“, u saradnji sa kompetentnim autorima, pripremila je i u ovom, petnaestom po redu broju vrlo zanimljive teme i naslove koji mogu zaintrigirati Vašu pažnju, ali i proširiti Vaše vidike novim informacijama iz svijeta savremenog bibliotekarstva.

Ni u godini 2010., u kojoj Nacionalna i univerzitetska biblioteka Bosne i Hercegovine obilježava jubilarnih 65, a Centar za permanentno obrazovanje bibliotekara svoj prvi jubilej – 10 godina djelovanja, bez obzira na njenu dosljednu kulturnu, obrazovnu, naučnu i informacijsku misiju, nema nažalost pozitivnih pomaka u vezi sa pitanjem općepoznatog hronično neriješenog pravnog, a pogotovo finansijskog statusa ove institucije.

Dok se u razvijenom svijetu dešavaju dramatične transformacije u sistemima javnih biblioteka pod motom: „Libraries for Life – Knowledge for Success“, („Biblioteke za život – znanje za uspjeh“) i grade organski strukturirane, biblioteke sa srcem - „Biblioteka 21“, a čak Kongres IFLA-e u Geteborgu 2010. ima moto „Library Lovers“ („Zaljubljenici u Biblioteke“), bosanskohercegovačke društvene, političke i ekonomske okolnosti (ili, možda odnosi?) jednostavno ne dopuštaju svojoj „centralnoj zemaljskoj biblioteci“* da svoju energiju i potencijale usmjeri u razvojne programe i trendove.

610 godina nakon rođenja Johana Gutenberga i 565 godina od njegovog velikog izuma – štamparskog stroja, u eri elektronike, u „mikromilenijumu“, u društvu komunikacija i znanja, u informatičkom društvu, bibliotekari i biblioteke, samo naizgled, nisu više „in“. Naprotiv! Biblioteke budućnosti - digitalne i virtualne biblioteke, jednako kao i tradicionalne, imaju cilj da zadovolje potrebe korisnika za znanjem i informacijama. Informatička tehnologija je tek moćno sredstvo koje omogućava bibliotekarima da brže i kvalitetnije obavljaju tu uzvišenu misiju, koja svakako zahtijeva permanentnu edukaciju i kontinuirano profesionalno usavršavanje.

„Don't underestimate Librarian!“ – „Ne podcjenjuj bibliotekara“, moto je Scopusa, jedne od Elsevier-ovih najvećih baza apstrakata, indeksa i citata, ali i naslov američkog filma u SF žanru, koji baca jedno novo i drugačije svjetlo na bibliotekare. Priznajem - to je i moj omiljeni moto!

Želim Vam uživanje u čitanju tekstova na stranicama 15. broja časopisa Bosniaca.

Glavni i odgovorni urednik
Dr. Ismet Ovčina

* „Uredba o Narodnoj biblioteci Federalne Bosne i Hercegovine“, Sl.list Federalne BiH, 31. oktobra 1945).

Bosniaca No. 15, 2010

Foreword by Editor-in-Chief dr. Ismet Ovčina

Dear Reader,

Editorial board of your favourite periodical Bosniaca in cooperation with competent authors, prepared in this number 15 of the periodical, very interesting themes and titles for you which can attract your attention and widen your horizons with new informations from the world of contemporary librarianship.

In 2010 National and University Library celebrated its jubilee, being 65 years, and Centre for Permanent Education of Librarians celebrated its first jubilee – 10 years of its working, but regardless of whether its persistent cultural, educational, scientific and information mission, there are not, unfortunately, any advances connected with topic of notorious unsettled legal and especially financial status of this institution.

Whereas dramatical transformations are in public libraries system of developed world with slogan: “Libraries for Life – Knowledge for Success” and they build organic structured libraries with heart - “Library 21” and Congress IFLA in Göteborg 2010 with motto “Library Lovers”, Bosnian-Herzegovinian social-economic circumstances (or, maybe, relationships?) do not allow its “central national library”* taking its energy and potential in developing programmes and trends.

610 years after Johannes Gutenberg's birth and 565 years of his great invention – printing machine, in electronic era, in “micromillennium”, in the society of communication and knowledge, librarians only seemingly are not more “in”. On the contrary, libraries of the future – digital and virtual libraries, as well as, traditional libraries have the goals to satisfy the users needs of getting knowledge and informations. Information technology is only powerful mean which allows the librarians to carry out that sublime mission, which requires permanent education and advanced professional training.

“Don't underestimate Librarian!” - it's a motto of Scopus, one of Elsevier biggest data bases of abstracts, indexes and citations, and the title of American movie in SF genre, which upholds librarians' honor in new and different way. I accept it - it's my favourite motto!

I want you enjoy reading the texts on the pages of periodical Bosniaca N°15.

Editor-in-chief
Dr. Ismet Ovčina

* “Regulation of People's Library of Federal Bosnia and Herzegovina”, Official Journal of Federal Bosnia and Herzegovina, 1945, October 31st).